

## 52. AL-THUR (TEBO TUR)

Suet ke-52: 49 ayat

Ngen madeak gen Allah da Paling memu-ak  
kulo paling Penyayang

بِسْمِ قَ اللَّهِ الرَّحْمَنِ الرَّحِيمِ

1. Demi bukit.

وَالطُّورِ ﴿١﴾

2. Dan kiteb da tenulis.

وَكِتَابٍ مَّسْطُورٍ ﴿٢﴾

3. Neak lembea da tukok.

فِي رَقٍّ مَّنشُورٍ ﴿٣﴾

4. Dan Demi Baitul ma'mur.

وَالْبَيْتِ الْمَعْمُورِ ﴿٤﴾

5. Dan atep da nelkat (lenget).

وَالسَّقْفِ الْمَرْفُوعِ ﴿٥﴾

6. Dan laut da neak lem taneakne ade  
opoi.

وَالْبَحْرِ الْمَسْجُورِ ﴿٦﴾

7. Sebeneane azab Tuhan-nu paset  
tejjai.

إِنَّ عَذَابَ رَبِّكَ لَوَاقِعٌ ﴿٧﴾

8. Coa do tun da dapet temulokne.

مَا لَهُ مِنْ دَافِعٍ ﴿٨﴾

9. Pado bilai idong lenget benea-benea  
begucang.

يَوْمَ تَمُورُ السَّمَاءُ مَوْرًا ﴿٩﴾

10. Dan tebo-tebo benea-benea bepaneu.

وَتَسِيرُ الْجِبَالُ سَيْرًا ﴿١٠﴾

11. Mako kecelakaan da lai ba neak bilai-  
o utuk tun-tun da ngike.

فَوَيْلٌ يَوْمَئِذٍ لِلْمُكَذِّبِينَ ﴿١١﴾

12. (Diyoba) tun-tun da main-main lem  
kebatilan.

الَّذِينَ هُمْ فِي خَوْضٍ يَلْعَبُونَ ﴿١٢﴾

13. Pado bilai si denorong moi nrako jahanam ngen sekuwet-kuwetne. يَوْمَ يُدْعُونَ إِلَى نَارِ جَهَنَّمَ دَعَاً ﴿١٣﴾
14. (Nadeak ngen si): diyoba nrako da bel-o udi slalu ngike-ne. هَذِهِ النَّارُ الَّتِي كُنْتُمْ بِهَا تُكَذِّبُونَ ﴿١٤﴾
15. Mako janokah dio sihir? Ataukah udi coa kemliak? أَفَسِحْرُ هَذَا أَمْ أَنْتُمْ لَا تُبْصِرُونَ ﴿١٥﴾
16. Masukba udi moi lemne (kedingba panes opoine): mako baik udi besabar atau coa, samo bae utuk-nu; udi neli bales adep jano da bik udi kemerjo. أَصْلَوْهَا فَاصْبِرُوا أَوْ لَا تَصْبِرُوا سَوَاءٌ عَلَيْكُمْ إِنَّمَا تُحْزَنُونَ مَا كُنْتُمْ تَعْمَلُونَ ﴿١٦﴾
17. Sebeneane tun-tun betakwa brade lem sergo dan keni'matan. إِنَّ الْمُتَّقِينَ فِي جَنَّتٍ وَنَعِيمٍ ﴿١٧﴾
18. Si riang ngen jano da melei ngensi kunei tuhanne; dan tuhanne meliharo si kunei azab nrako. فَكَهَيْنَ بِمَا آتَاهُمْ رَبُّهُمْ وَوَقَّاهُمْ رَبُّهُمْ عَذَابَ الْجَحِيمِ ﴿١٨﴾
19. (Nadeak ngen si) kemuk ngen menenba ngen baik utukbales kunei jano da bik udi kemerjo. كُلُوا وَاشْرَبُوا هَنِيئًا بِمَا كُنْتُمْ تَعْمَلُونَ ﴿١٩﴾
20. Si temot neak das ranjang-ranjang bederet dan keme mikeak si ngen bidadari-bidadari da ba-es dan matai jeniak. مُتَّكِبِينَ عَلَى رُءُوسِ مَصْفُوفَةٍ وَزَوَّجْنَاهُمْ بِحُورٍ عِينٍ ﴿٢٠﴾
21. Dan tun-tun da beimen dan anak kepaune temotoa si lem keimanan, keme mubung anak kepaune ngen si, dan keme coa kemu-ang agok didik kunei pahalo ameanne. Tjep-tjep manusio tekait ngen jano da kenerjone. وَالَّذِينَ آمَنُوا وَاتَّبَعَتْهُمْ ذُرِّيَّتُهُمْ بِإِيمَانٍ أَلْحَقْنَا بِهِمْ ذُرِّيَّتَهُمْ وَمَا أَلَتْنَاهُمْ مِّنْ عَمَلِهِمْ مِّنْ شَيْءٍ كُلُّ امْرِئٍ بِمَا كَسَبَ رَهِينٌ ﴿٢١﴾
22. Dan keme melei si tambeak ngen buak-buak dan daging kunei kute mecem da si lok. وَأَمَدَدْنَاهُمْ بِفَكَهَةٍ وَلَحْمٍ مِّمَّا يَشْتَهُونَ ﴿٢٢﴾

23. Neak lem sergo si saling berbut piala (gelas) da isaine coa (temim(b)oa) kecek-kecek da coa bepaiodeak dan coa kulo menea duso.

يَتَنَزَعُونَ فِيهَا كَأْسًا لَّا لَغْوٌ فِيهَا وَلَا تَأْتِيهِمْ

٢٢

24. Dan bekeliling neak sekitarne anak-anak u-ai utuk (mladen) si, awei-awei si-o mutiara da naik.

وَيَطُوفُ عَلَيْهِمْ غِلْمَانٌ لَهُمْ كَأَنَّهُمْ لُؤْلُؤٌ

مَكْنُونٌ

25. Dan pa-o si madep pa-o da luyen saling tenai-betenai.

وَأَقْبَلَ بَعْضُهُمْ عَلَىٰ بَعْضٍ يَتَسَاءَلُونَ

26. Si madeak : sebeneane keme bel-o waktau ade neak tengak-tengak kluargo keme meding saben( lok nazab).

قَالُوا إِنَّا كُنَّا قَبْلُ فِي أَهْلِنَا مُشْفِقِينَ

27. Mako Allah melei karunia ngen keme dan meliharo keme kunei azab nrako.

فَمِنَ اللَّهِ عَلَيْنَا وَوَقَدْنَا عَذَابَ السُّمُورِ

٢٧

28. Sebeneane keme bel-o sembeak si. Sebeneane sib a da melei kebaikan kulo paling Penyayang.

إِنَّا كُنَّا مِنْ قَبْلُ نَدْعُوهُ إِنَّهُ هُوَ الْبَرُّ

الرَّحِيمُ

29. Mako tep ba melei pringatan, dan udi kerno ni'mat Tuhan-nu isobar do tukang tenung dan iso kulo do tun gilo.

فَذَكَرْ فَمَا أَنْتَ بِنِعْمَتِ رَبِّكَ بِكَاهِنٍ وَلَا

مَجْنُونٍ

30. Bahkan si madeak: si-o ba do penyair da keme mot-mot kecelakaan tenipo si.

أَمْ يَقُولُونَ شَاعِرٌ نَّتَرَبَّصُ بِهِ رَيْبَ الْمَنُونِ

٣٠

31. Kadeakba : kemothba, makao sebeneane uku kulo termasuk tun da mot(kulo) berpok udi.

قُلْ تَرَبَّصُوا فَإِنِّي مَعَكُمْ مِنَ الْمُتَرَبِّصِينَ



32. Janokah si neluak ngen peker-pekerne utuk mucep tujuak-tujuak-yo ataukah si kaum da melapau batas?

أَمْ تَأْمُرُهُمْ أَحْلَمُهُمْ بِهَذَا أَمْ هُمْ قَوْمٌ

طَاغُونَ ﴿٣٢﴾

33. Ataukah si madeak: si (Muhammad) menea-meneane. Sebeneane si coa beimen.

أَمْ يَقُولُونَ تَقَوَّلَهُ بَلْ لَا يُؤْمِنُونَ ﴿٣٣﴾

34. Mako kelokne melei kalimat da semisal quran-o amen si tun-tun da benea.

فَلْيَأْتُوا بِحَدِيثٍ مِّثْلِهِ إِنْ كَانُوا صَادِقِينَ ﴿٣٤﴾



35. Janokah si semipto coa ade jano-jano ataukah si da semipto (diraine dewek)?

أَمْ خُلِقُوا مِنْ غَيْرِ شَيْءٍ أَمْ هُمُ الْخَالِقُونَ ﴿٣٥﴾



36. Ataukah si bik semipto lenget ngen bumei-o sebeneane si coa meyakini (jano da si madeak).

أَمْ خَلِقُوا السَّمَوَاتِ وَالْأَرْضَ بَلْ لَا

يُوقِنُونَ ﴿٣٦﴾

37. Ataukah neak adepne ade perbendaharaan tuhannu atau si kah da kuaso.

أَمْ عِنْدَهُمْ خَزَائِنُ رَيْكِ أَمْ هُمُ الْمُصِيطِرُونَ ﴿٣٧﴾



38. Ataukah si ade endea ( moi lenget) utuk temi-uk neak endea-o (hal-hal da gaib)? Mako kelokne tun da temi-uk neak antarone kenten suatu keterangan da nyato.

أَمْ هُمْ سُلَّمٌ يَسْتَمِعُونَ فِيهِ فَلْيَأْتِ

مُسْتَمِعُهُمْ بِسُلْطَنِ مُبِينٍ ﴿٣٨﴾

39. Ataukah utuk Allah anak-anok selawei dan utukmudi anak-anok semanei.

أَمْ لَهُ الْبَنَاتُ وَلَكُمْ الْبَنُونَ ﴿٣٩﴾

40. Ataukah udi minoi upeak ngen si sapei si tebeban ngen utang? ﴿٤٠﴾ أَمْ تَسْأَلُهُمْ أَجْرًا فَهُمْ مِّنْ مَّغْرَمٍ مُّتَّقِلُونَ
41. Janokah ade pado adepne ilmu tentang da gaib lajau si temulisme? ﴿٤١﴾ أَمْ عِنْدَهُمُ الْغَيْبُ فَهُمْ يَكْتُبُونَ
42. Ataukah si lok kemerjo tipu daya? Mako tun-tun da kapia-o si ba da keno tipu daya. ﴿٤٢﴾ أَمْ يُرِيدُونَ كَيْدًا ۖ فَالَّذِينَ كَفَرُوا هُمُ الْمَكِيدُونَ
43. Ataukah si ade tuhan seluyen Allah Paling Sucai Allah kunei jano da semrai. ﴿٤٣﴾ أَمْ لَهُم آلِهَةٌ غَيْرُ اللَّهِ ۗ سُبْحَانَ اللَّهِ عَمَّا يُشْرِكُونَ
44. Amen si kemliak pa-o kunei lenget gugua si lok madeak : do-o adeba mbun da besusun-susun. ﴿٤٤﴾ وَإِن يَرَوْا كِسْفًا مِّنَ السَّمَاءِ سَاقِطًا يَقُولُوا سَحَابٌ مَّرْكُومٌ
45. Mako kunyau ba si sapei si temau tilai (da jenanjai ngen) si da neak bilai-o si binaso, ﴿٤٥﴾ فَذَرَهُمْ حَتَّىٰ يُلَاقُوا يَوْمَهُمُ الَّذِي فِيهِ يُصْعَقُونَ
46. (Dio ba) bilai idong coa beguno utukne agok didik tipu dayane dan si coa tenulung. ﴿٤٦﴾ يَوْمَ لَا يُغْنِي عَنْهُمْ كَيْدُهُمْ شَيْئًا وَلَا هُمْ يُنصَرُونَ
47. Dan sebeneane utuk tun-tun da zalim ade azab seluyen-o. Tapi dau si coa namen. ﴿٤٧﴾ وَإِنَّ لِلَّذِينَ ظَلَمُوا عَذَابًا دُونَ ذَلِكَ وَلَٰكِن أَكْثَرُهُمْ لَا يَعْلَمُونَ
48. Dan besabarba lem mbot tentep tuhannu mako sebeneane udi berado lem ngeliak keme, dan betasbihba ngen mujai tuhannu idong udi klongon teje. ﴿٤٨﴾ وَأَصْبِرْ لِحُكْمِ رَبِّكَ فَإِنَّكَ بِأَعْيُنِنَا وَسَبِّحْ بِحَمْدِ رَبِّكَ حِينَ تَقُومُ

49. *Dan* Betasbih ba ngen sip ado beberapa sa'at neak kelmen bilai neak waktau tebenem bitang-bitang (neak waktau fajar).

وَمِنَ اللَّيْلِ فَسَبِّحْهُ وَإِدْبَرَ النُّجُومِ ﴿٤٩﴾